

欽定剿平粵匪方略

欽定勦平粵匪方略卷二百九十九 壬戌年

四月初一日 癸丑 勞崇光奏言疊奉

諭旨以大江師船近多朽壞令 臣 調集紅單拖罾等
船四十隻星速來江交都興阿調遣 臣 會商提

臣 溫賢崑壽飭令守備李榮陞黃聯開等前赴
近省各海口設法招集紅單船十餘號均屬堅
好完固可備戰攻現復遴派通判丁祖望會同

李榮陞等馳赴高廉雷瓊各港口無論紅單拖
曾趕緊募足四十號之數並於沿海地方招募
壯勇充當礮手水手約計三月以內均可齊備
一俟各船到省卽當配足礮械軍火寬發勇糧
卽時起碇放洋由海入江以資攻剿奏入

上諭曰現當江面防剿喫緊之際仍應迅速設法妥
辦不准稍有遷延

初二日

甲寅

官文嚴樹森奏言據襄陽道府稟稱

髮逆偽扶王率黨三萬餘人竄入豫省之泌陽

湖北隨棗各處皆形震動三月初一日由唐縣

直徧南陽府城四面圍撲查南陽一郡地當衝

要爲東西關鍵南北樞紐豫省之汝甯信陽徧

地捻氛驛路早已梗塞東南數省所恃以通文

報者僅此南陽一路而鄧州內鄉皆係入陝西

商雒要道關繫尤爲緊要目下楚師全力圖皖
本省防兵甚形單薄襄陽德安漢陽黃州所屬
處處與豫境毗連橫互數千里兵愈分而愈單
實有防不勝防之勢若再責以旁征遠勦力實
不逮且該逆計在分我兵力一經抽調勢必分
道入楚已札調總兵何紹彩統率四營由宜昌
拔隊取道當陽荊門宜城一路飛速前進徑赴

隨聚襄樊一帶探明賊勢趨重處所會同各營官兵相機堵剿勿使竄擾並飭道員歐陽正壻統帶四營移紮隨州另撥兩營移紮該州之小林店地方督同知府吳廷華所部兩營嚴行防範以資周密奏入

上命議政王軍機大臣傳諭官文嚴樹森瑛瑩孔廣順張芾鄭元善曰髮匪圍撲南陽官文現派何紹

彩統率四營由宜昌徑赴襄棗楚北防務諒可無虞該省鄖陽府毗連陝省去商雒不遠著官文等飛飭該鎮統兵迅赴商州等處會同孔廣順併力擊勦李續焄在湖南募勇尙未起程必須道經湖北著官文等迅催前進如楚北防兵單弱即可暫留此軍駐紮防勦瑛棨仍就現有兵力相機策應並著張芾前赴商雒一帶激勵民團以爲官軍後

路聲援

同日吳棠奏言據探髮逆十餘萬竄撲揚城後
路尙有賊股陸續渡江不絕臣查都興阿所部
兵勇未滿二萬雖以少擊衆屢次獲勝而賊股
續至愈聚愈多官軍本單又無援應情形實爲
萬緊現在江北距揚營最近者有李世忠與臣
兩軍李世忠隊分守滁天浦六諸城勢難越賊

而東臣軍又當捻股踵至兵力無多亦難兼顧
開髮逆蔓延已至揚城北路之司徒廟等處邵
伯一帶湖水淺涸深虞繞越揚營爲裏下河屏
障亟宜力圖策應爲此懇懇

天恩飭下僧格林沁曾國藩馮子材李鴻章各撥水
陸兵勇分道接應揚營以顧江北大局奏入

上命議政王軍機大臣傳諭僧格林沁曾國藩都興

阿吳棠馮子材曰僧格林沁攻勦金樓逆匪不日
卽可得手無兵可分惟揚城爲裏下河屏蔽關繫
江北大局著僧格林沁酌量情形如有可撥兵勇
酌派一軍馳往應援若實在不敷分勦咨令吳棠
會合都興阿等軍將東竄另捻迅速勦除庶清淮
防兵卽可回援揚郡均著該大臣相機妥辦李鴻
章現已到滬其新勇六千曾國藩前次奏報內有

分作三次由輪船裝載到滬之語約計此時第二
三起勇丁必已陸續啟行卽著曾國藩遴派得力
將弁管帶迅速東駛合揚防各軍將此股匪衆盡
力勦辦再赴滬防其黃翼升所部水師並著曾國
藩飭令迅赴下游以壯聲勢現在圍攻江浦浦口
之賊業經李世忠等擊退各城營一律肅清敗殘
餘匪若再併入揚境紛竄滋擾其患尤不可勝言

著都興阿就現有兵力嚴密堵剿不可稍涉大意
馮子材昨奏由鎮營挑兵三千名策應著都興阿
酌度形勢如揚防兵力不敷卽函商馮子材如數
調撥以資防剿

同日薛煥奏言洙涇鎮失守後已革提督曾秉
忠督率水陸各軍攻擊疊獲勝仗三月十三日
曾秉忠分撥師船派遊擊曾敏行守備何啟漢

及已革副將馮日坤等帶領水陸各隊由莎雞
滾直擣洙涇鎮賊巢署金山縣知縣陳紹本帶
領練勇同時進勦曾秉忠親督參將何章富遊
擊曾繼榮等居中策應維時洙涇西口之賊憑
壘抗拒曾敏行等開礮轟擊斃賊甚多何啟漢
等奮勇直前將東口礮臺二座踏毀各軍自午
至子鏖戰六時之久何啟漢由東口抄入大柳

塘攻破賊營二座何章富等帶勇登岸攻入西街曾敏行等又攻破該逆營壘礮臺數處適馮日坤與陳紹本各帶陸軍攻入鎮中遂於十四日寅刻收復洙涇各將弁乘勝掩殺該逆退踞三家村復經馮日坤等將賊營全行平毀賊向楓涇新埭兩路竄去現飭陳紹本安撫難民招集流亡仍令諸軍固守要隘再圖整頓隊伍爲

進攻青浦之計各將弁中前經失事之員均有
應得之咎茲能埽除兇逆尙知愧奮圖功擬將
勞績抵銷懇

恩免其查辦此外出力之員可否擇尤保獎出自
鴻慈伏候

訓示遵行

薛煥又奏言涿涇鎮爲金山縣治向無城池署

金山縣知縣陳紹本於咸豐十一年七月到任
數月以來督辦團練防守地方尙爲認真本年
二月初九日逆匪由三家村突竄洙涇水陸各
軍救援不及以致失守該署縣例有應得處分
此次帶領練勇民團隨同水陸諸軍收復洙涇
尙屬著有微勞可否請

旨將署金山縣知縣陳紹本革職暫行留任所有善

後一切事宜飭令妥速辦理以資熟手奏入

上命議政王軍機大臣傳諭薛煥李鴻章曰水陸各軍收復洙涇該逆退踞三家村復經馮日坤等將賊營全行平毀該匪向楓涇新埭兩路竄去著薛煥李鴻章卽飭曾秉忠督率各軍乘勝追勦並整頓隊伍爲進攻青浦之計曾秉忠以提督大員潰師失事雖此次激勵諸軍收復洙涇尙屬功不掩

過著俟續有勞績再行奏請恩施又據吳棠奏髮
逆竄撲揚城都興阿兵勇未滿兩萬賊衆兵單情
形實爲萬緊現在逆匪蔓延已至揚城北路之司
徒廟等處揚營屏障江北亟宜力圖策應李鴻章
所部兵勇前據曾國藩奏稱分三起下駛業經諭
令該署撫將上海事宜布置稍定帶兵駐紮鎮江
俾都興阿得資聯絡現在揚防喫緊恐難曠日待

援著李鴻章卽令後起赴防兵勇於行抵瓜儀時
先其所急會合都興阿之軍迅將撲揚逆匪奮力
勦擊儘李鴻章能先赴鎮江一帶相機應援尤屬
妥善

上諭內閣曰此次水陸各軍收復洙涇辦理尙屬得
手所有在事出力員弁著准其擇尤保獎前經失
事之員功過尙足相抵著免其查辦署金山縣知

縣陳紹本例有失守處分惟卽隨同收復尙知愧
奮著革職暫行留任責令將善後事宜妥速辦理
同日江南道監察御史劉慶奏旨查用兵以來
籌餉之方莫備於今日而賊未見其平餉愈形
其絀者良由各路軍營耗餉者多而節餉者少
也近日文武員弁莫不以軍營爲利藪統兵大
臣亦多以軍營徇情面於是一軍營也有幕府

有營務而又有文案一糧臺也有轉運有米局
有錢局又有內銀錢局外銀錢局推之軍裝器
械火器火藥之類亦各有專局名目繁多至難
枚舉一局之設有總局有分局局員則有正辦
有幫辦設局過多用員太濫以致費用不貲百
弊叢起兵丁口糧多有挂欠而官吏薪水則按
月現支甚且侵挪剋扣餉歸無著從征兵勇轉

有鳩形鵠面終月不得一飽者如此而望其效
命疆場奮勇殺賊不亦難乎應請

旨飭下各路統兵大臣激發天良破除情面於所立
各局酌量其事之輕重或裁或併於所用官吏
察看其人之能否或去或留務期節官吏之虛
糜濟兵丁之實用迅速酌定章程奏明請

旨定奪如此嚴爲限制庶士皆用命餉不虛糜而賊

亦可指日蕩平矣奏入

上諭內閣曰籌餉所以養兵期歸實用乃侵挪剋扣弊竇叢生各路統兵大臣務當激發天良破除情面慎重餉糈汰除糜費於所立各局酌量其事之輕重以爲裁併所設官吏察看其人之能否以定去留節損耗用以贍軍士庶不致枵腹荷戈卽著明定章程嚴爲限制毋再蹈從前積習也

同日浙江道監察御史梅啟照奏言查近日軍營因額兵不足不得不招募勇丁以資攻戰惟勇餉倍於兵餉凡有招募大吏委統領統領委營官營官委哨官本無常額添減靡定最易以少報多而大吏亦難於察覈以致虛冒餉項百弊叢生應請

飭下各路統兵大臣及用兵省分各督撫所有水陸

諸軍招募勇丁責令詳細造冊奏報某員帶勇若干名各營哨官若干員月支餉銀若干兩遇有裁撤卽時奏明至各營功牌項戴向自九品至六品止原以獎出力稍次之人近來各路頒賞功牌有加至五品者又府道等官皆自行頒賞名器太濫殊無限制請一併

飭下各路統兵大臣嗣後賞給功牌不得逾六品並

令隨時造冊咨部其不應專摺奏事之員不准
自行頒賞以昭慎重奏入

上諭內閣曰近年用兵各省額兵之外招募勇丁添
減本無常額支餉因無定數帶勇各員易滋以少
報多之弊設遇征勦安得盡收實效嗣後各省招
募勇丁著統兵大臣及各督撫將所募之勇若干
名及某員帶勇若干名每月支餉若干兩一面奏

聞一面報部遇有裁撤隨時奏明以歸覈實至軍
營賞給功牌自九品至六品原爲出力稍次之人
酌予獎勵近來有加至五品者名器之濫莫此爲
甚此後賞給功牌仍不得過六品以示限制並著
各路統兵大臣隨時造冊咨部其不應專摺奏事
之員不准擅發功牌用昭慎重

初五日

丁巳

都興阿奏言三月二十四日逆匪突

至前敵各營環繞攻撲都司李慶元等守禦甚
嚴立時擊退傷斃甚多逆隊後路復分兩翼意
圖竄渡溪塘抄繞圍裏經候補副都統杜嘎爾
等馬隊潛出馳過山岡埋伏都司胡世英等分
布左右接應該逆整隊抗拒杜嘎爾等將馬隊
分撥兩路越溝渡坎奮勇衝擊逆匪披靡我軍
乘勢掩殺斃賊數百名次日該逆復在觀音山

司徒廟法海寺一帶分布排列遙作攻城之勢
牽掣我軍暗分大股攻撲三汊河各營當經詹
啟綸一面嚴飭各營守禦一面派都司李成虎
等由中路迎勦該鎮率副將孫文友由右衝擊
該逆於凍青鋪一帶排列抗拒李成虎等奮勇
衝擊孫文友等由後包抄逆陣散亂我軍馬步
會合追殺三四里至徐家集一帶斃賊數百名

查三汊河上下四十餘里經詹啟綸布置周密
此次相機出勦時挫兇鋒守禦益當穩固雖逆
衆幾及二十萬臨於城下軍民安堵如常其魏
村口小河口石橋灣等處屯踞賊船甚多時常
出竄並於江岸築壘安礮經該處管帶水師參
將張瀚乘潮水大漲駛入魏村河口飭快划三
板長龍等船分傍兩岸急進轟擊沈燬賊船二

隻溺斃甚多陸賊亦卽驚惶我兵乘勢登岸將
逆壘二座一律踏毀當此江北警急沿江處處
喫緊黃彬吳全美督飭各幫晝夜巡查相機堵
剿將弁兵勇亦無不奮勉圖功尙無疏懈奏入
上命議政王軍機大臣傳諭都興阿曰官軍擊退撲
營逆匪並水陸獲勝勦辦尙屬得手惟逆衆幾及
二十萬尙有另股陸續渡江而來揚防現有兵力

勢恐不敷分布江浦等處賊營現已由李世忠攻克前已諭令袁甲三速飭李世忠將江浦等處布置後馳赴六合會同揚防將領將揚境餘匪殲除都興阿務宜與李世忠聯絡聲勢和衷會辦一面激勵水陸兵勇嚴密防堵李鴻章一軍分作三起由輪船駛赴上海頭起勇丁已由該署撫現帶至滬其後隊二三起勇丁亦可陸續駕駛輪船由江

面前赴上海昨經諭令李鴻章將後起勇丁留揚
助勦並令該署撫將上海布置妥協後卽馳赴鎮
江聯絡揚防各營將竄踞逆匪掃除著都興阿於
李鴻章後起勇丁駛過瓜儀時卽先行截留在揚
助勦以厚兵力俟賊勢稍鬆再撥歸李鴻章調遣
並咨催李鴻章到鎮和衷會商合力攻勦以期肅
清江北前據馮子材奏挑選鎮兵三千聽候揚營

調撥並著都興阿酌度南北兩岸情形如須添調
來揚卽速檄渡江北助剿以期早殄逆氛

同日鄭元善奏言粵匪竄至南陽於三月十三
十四等日經鄧州團練追殺多名該匪晝夜狂
奔竄向內鄉浙川窺伺陝西商南十八日邊馬
已入陝界護理南陽鎮總兵徐榮柱帶兵集團
跟蹤追剿而衆寡懸殊且陝西設有防兵一經

堵截被創折回亦屬可慮其西北兩路刻下雖
可無虞而竄突靡常仍不敢片刻鬆勁並分飭
河陝道河北鎮道督率在防兵勇加意扼守奏
入

上命議政王軍機大臣傳諭官文嚴樹森英桂瑛棨
孔廣順張芾曰粵匪竄內鄉浙川窺伺陝西商南
經鄭元善派總兵徐榮柱帶兵追剿前諭孔廣順

就近督軍擊勦著卽會同河南派出之楊飛熊徐
煥柱等軍兩面夾擊瑛棨張芾仍遵前旨各派兵
團相機策應楚境毗連河南地方甚多著官文嚴
樹森督飭地方官密爲防範英桂飭令和昌等先
將本境隘口布置周密並派兵渡河會合陝西防
兵同赴陝州扼守

初七日己未曾國藩奏言鮑超一軍進駐青陽先

平西北門山嘴賊壘濬治長濠爲四面合圍計
城賊潛紂死黨三萬餘衆由南陵竄踞銅陵之
順安鎮銅陵守將周萬倬等出奇兵禦之賊稍
卻鮑超由青陽分軍親赴銅陵救援遇賊於橫
塘賊恃衆迎拒王衍慶等陷陣而入黃慶顏紹
榮繞襲賊後伍華瀚等分領馬步諸軍四出盪
決衝賊數段斬僞主將洪逆於陣羣賊駭潰仍

走南陵適周萬倬等水師與總兵唐學發亦率
隊來會各軍合力奮追遂將橫塘至順安等處
沿途卡壘一律剷除擒斬無算俘獲賊酋尤多
先是僞奉王古澹賢偵知鮑超分兵而北陰結
涇石太等縣悍賊數千在青陽南門外豬婆店
地方增築九壘乃結壘甫成鮑超已振旅而還
遂督飭將士分路齊進古逆傾巢出敵我軍奮

勇爭先明興伍華瀚以騎隊裏賊賊懼返巢仍
復倚壘死拒唐仁廉譚勝達於煙燄中拔開鹿
角躍過濠溝麾軍直上一壘旣破衆壘盡亂馮
標等各軍乘勢薄之不逾時九壘悉平古逆率
餘匪遁往石埭軍士追襲四十里始行收隊青
陽南路旣平鮑超以西門屬之婁雲慶等以東
門屬之黃慶等以北門屬之王衍慶等而以楊

鎮魁張應超爲游兵於三月十六日更番奮攻
毀壘填濠進次城下劉順隆等挽盾自障攀堞
先登衆軍乘之立將縣城克復先後數戰斃賊
萬餘擒賊千一百名中有逆首僞遊天義周得
瞬等暨燕豫將軍丞相各僞職八十六名悉就
擒縛奪獲器械旗幟難以數計浙江提督鮑超
身先士卒調度得宜惟係專閫大員應如何

加恩之處未敢擅擬在事出力人員謹開列懇
恩分別獎勵出自

鴻施至陣亡將弁另繕清單請

旨飭部從優議卹

曾國藩又奏言查李鴻章所部全軍皆抵上海
淮揚鎮黃翼升乘坐輪船先至下游察看一次
回至安慶再行督帶水師乘風下駛曾國荃一

軍於三月十五日在巢縣之望城岡苦戰獲勝
十八日攻破桐城誦賊壘十九日攻破鴈字鎮
賊巢二十日辰刻克復巢縣午刻克復含山縣
城此外尚有裕溪口牛屯河西梁山三處賊巢
擬一面攻此三處一面進圍和州多隆阿一軍
日內未開大仗廬郡圍逼甚緊聞將有四僞王
大股由江浦上援然巢含既克賊已失勢左宗

棠一軍與僞侍王大股轉戰於江山南境聞賊
有假道閩境轉竄江西之意深爲可慮徽州各
軍近尙安謚奏入

上命議政王軍機大臣傳諭曾國藩李續宜曰鮑超
旣克青陽著卽飭令由涇縣進取甯國以制浙中
賊勢至逆衆盤踞廬州府城負嵎抗拒雖經多隆
阿等分道進徧屢獲勝仗而該逆堅守待援情殊

詭譎現在巢縣含山次第收復要害已爲我據雖
有援賊諒已奪氣自宜乘此聲威一鼓攻克著會
國藩飭令多隆阿激勵將士迅速進攻李續宜計
已馳抵六安卽著分兵赴廬會合多隆阿等軍四
面圍逼迅下堅城浙省逆匪有假道閩境轉竄江
西之意江右爲大軍餉源所自出且爲左宗棠後
路關繫甚鉅現在沈葆楨馳赴廣信力籌堵扼第

兵力尙屬單薄曾國荃一軍勦賊正在喫緊未能
分兵策應江西各防門戶在在堪虞應如何酌撥
兵勇前往協同防剿之處著曾國藩斟酌情形妥
爲辦理本日復據袁甲三奏李世忠攻克駐馬河
賊壘探聞和州亦由楚軍克復是否屬實並著曾
國藩一併馳奏

上諭內閣曰官軍擊退大股援賊攻克青陽縣城勦

辦甚屬得手浙江提督鮑超身先士卒調度得宜
著交部從優議敘並發去白玉搬指一箇碧玉煙
壺一箇白玉柄小刀一把白玉佩一件交鮑超祇
領以示優獎其尤爲出力各員弁除明興已簡放
乍浦副都統婁雲慶已簡放直隸正定鎮總兵外
婁雲慶著再賞給二品封典總兵馮標著賞加提
督銜副將譚勝達王衍慶劉順隆熊鐵生陳得勝

顏紹榮唐仁廉均著交軍機處記名遇有總兵缺
出請旨簡放劉順隆並賞給壯勇巴圖魯名號唐
仁廉並賞給二品封典總兵黃慶宋國永張玉田
均著賞給二品封典副將劉玉堂李文益段大貴
李定貴蕭儀斌蔡得勝周有勝均著賞加總兵銜
湖廣卽補副將馬勝奎吳騰芳文九和翦炳南均
著以副將遇缺卽補馬勝奎並著賞給振勇巴圖

魯名號吳騰芳並著賞給銳勇巴圖魯名號卽補
知府伍華瀚著賞給四品封典四川卽補參將陳
永康著以副將仍留四川遇缺卽補遊擊段大有
著以副將儘先補用其餘在事出力人員著曾國
藩查明保奏候朕施恩其單開順安青陽等處剿
賊陣亡之參將李遇春都司陽安民守備盧廷章
外委雷得勝副將羅春鵬副將銜參將劉勝武都

司張伯昇藍翎千總王大有藍翎把總劉正高黃
定魁李仁壽藍翎千總吳定元藍翎外委楊宏勳
劉名德唐從之張順發張有貴均著交部各照本
職議卹

曾國藩又奏言查已革署九江鎮總兵普承堯
駐防建德雖值餉糈支絀總當善爲激勸力遏
賊鋒乃當池逆進犯之時不能堅守待援節節

潰退致將縣城失陷按律科罪誠不容辭惟念
普承堯身經百戰襄事八年屢次受傷不無勞
績此次潰軍失事究由餉缺兵疲合無仰懇
天恩量從寬減將普承堯發往軍臺效力贖罪是否
有當伏候

聖裁奏入

上諭內閣曰已革九江鎮總兵普承堯失守建德城

池例有應得之咎惟身經百戰屢次受傷建德失陷實由餉缺兵疲尙可量從寬減普承堯著加恩發往軍臺效力贖罪

曾國藩又奏言蕪湖巨逆黃汶金賴積新等糾黨二萬突入荻港復分股竄陷舊縣水師李朝斌等在營房嘴擊賊獲勝遂率師船駛上舊縣會合萬化林等水軍登陸襲賊戰於街心賊負

重創悉向山後潰走潛與荻港一股勾結繁昌
蕪湖魯港之賊別圖竄擾時曾貞幹陸師近駐
三山夾密諭各營堅壁以待賊果分道來犯曾
貞幹卽令曾正明率親兵馬隊會約水師循江
岸而進一敗賊於洋夾沙再敗賊於三華山陣
斬賊酋十餘名殲獲百餘人水師各營在斗門
教化渡兩處檢斬亦多賊始悉衆遠遁荻港舊

縣三山等處一律肅清臣仍飭嚴密守禦不得
稍涉疏虞奏入報

聞

同日袁甲三奏言據李世忠呈稱和含之賊聞
浦六各處解圍已覺膽寒又兼楚軍追勦甚急
遂紛紛敗退屬聚於和州之駐馬河築營三座
以通南北渡江之路該提督於三月二十三、四

等日飭候補總兵王茂元等分帶隊伍進發一
面飭令防守全椒之副將周長福等各率勇練
進至官渡相機勦辦王茂元等行至駐馬河五
里地方先將賊卡攻毀長驅直進該逆出隊迎
拒並分賊千餘欲抄我軍後路被全椒勇隊趕
至衝斷該逆向後撤退我軍偪至營邊乘勢搶
入砍倒守營賊匪數十人賊衆驚駭狂奔棄營

而遁追殺不可勝計生擒僞弼天安張桂山僞
濟天義陸志敬及僞丞相僞指揮等十六名當
卽正法餘賊被我兵追殺及沿江淹斃殆盡賊
營一律踏毀隨將駐馬河要隘奪回旋探得僞
忠王李秀城從杭嘉調來僞主將鄧光明糾賊
數萬由三山營各口岸渡江接應前竄儀揚之
賊該提督卽日親督大隊馳赴六合相機堵剿

臣查李世忠屢次勦賊摧堅破敵最爲奮勇所
籌機宜均中竅要現據探稱楚軍於十八日克
復巢縣追賊直至含山亦卽攻克進勦和州並
據李世忠呈稱和州業經楚師攻破皖軍與楚
軍卽可會合是大江以北僅贛揚境竄匪及廬
郡一城未復爲今之計一面嚴防廬賊突竄先
併力掃除揚境踞逆使江南匪衆不敢再過江

北然後會攻虜郡更有把握臣已諄催李世忠
卽赴六合約會揚營兩面夾擊並咨都興阿如
逆衆敗退卽選精騎從後追剿李世忠遏截其
前必可痛加懲創

袁甲三又奏言查粵逆渡江分投竄突浦六各
城營同時被圍蔓延揚境當軍情緊急之時都
興阿不能救援浦六李世忠不能兼顧儀揚均

屬實在情形但李世忠連克江北數城一切糧
餉軍火不能不取資於江北且因天六降衆移
紮一層與都興阿稍有齟齬事關大局都興阿
公忠體

國斷不與李世忠爭較短長李世忠愛惜聲名亦
斷不敢畫疆自守坐視揚營之急觀其於浦六
各城解圍後進軍駐馬河奪回要隘卽以堵截

揚境竄匪爲已任其心已可概見但能將所墊
銀米及奉

旨犒賞銀兩由江北籌給清款再每月撥給餉銀一
萬兩米四千石卽可極力支撐江浦浦口六合
各城該提督力保無虞是在都興阿與吳棠妥
籌辦理也奏八

上命議政王軍機大臣傳諭袁甲三都興阿吳棠曰

據袁甲三奏官軍奪回駐馬河要隘並粵逆渡江
浦六儀揚等城同時告警都興阿不能救援浦六
李世忠不能兼顧儀揚等語前據都興阿奏所部
兵勇不過一萬六七千人兵力本不甚厚又值儀
揚交警不能撥兵援應浦六自係實在情形現在
揚郡竄匪尙未撲滅勦辦正當喫緊著都興阿仍
就現有兵力堵剿兼施毋稍疏懈李世忠於攻克

駐馬河後卽以堵截竄匪爲己任尙能顧全大局
著袁甲三卽飭令該提督會同揚防各軍分投剿
洗務將竄擾揚屬匪徒殲除淨盡至李世忠所部
勇丁口糧均由該提督墊發若日久不能歸還殊
無以示體恤著吳棠仍遵前旨將李世忠墊發銀
米各項嚴飭糧臺趕緊籌款撥解清楚其李世忠
月需餉銀一萬兩米四千石爲數尙不甚多並著

吳棠一併按月籌解以資接濟

上諭內閣曰渡江逆賊竄踞安徽和州之駐馬河經提督李世忠督飭總兵王茂元等由橋林等處分道進攻賊衆棄營狂奔追殺不可勝計餘賊沿江敗竄復經我兵趕殺殆盡賊營一律踏毀立將駐馬河要隘奪回所有在事出力文武員弁著准其彙入江浦六合各城解圍案內擇尤酌保毋許冒

濫

同日沈葆楨奏旨准會國藩函稱會國基一軍業已下趨無爲州一帶以勦爲堵勢難折回其撫州爲江省中權要地王沐一軍亦不可輕動而浙氛日偏山沒於江閩數省之交探聞侍逆李侍賢現又添調金嚴等處大股源源而來其意實在江右經左宗棠親率數營於本月十三

日駐紮江山廣豐交界之新塘邊淤頭等處時
獲勝仗終恐賊衆兵單且左宗棠步步回顧江
西以衛餉源備多力分不無牽掣臣在省防兵
勇內挑選精練數百名督同總兵萬泰所部各
營於本月二十四日前往廣信暫駐郡城就近
調度東路防軍雖屬無多而廣信爲臣舊轄與
該處士民共事日久擬再號召紳耆實力辦團

聯絡聲勢以遏賊氛奏入

上命議政王軍機大臣傳諭慶端左宗棠耆齡沈葆楨劉長佑曰江西一省爲曾國藩左宗棠各軍營餉源所自出關繫東南大局該逆由江山一帶圖竄江境斷左宗棠後路曾國荃現已攻克巢縣含山自應乘勝前進不克回援江省王沐駐守撫州亦未可輕動是江省防務萬分喫緊沈葆楨業已

馳赴信郡著卽就現有兵力嚴密布置並著號召
紳耆實力辦理團練務令聲勢聯絡俾逆匪無隙
可乘不致闖入江境方爲妥善左宗棠親督數營
駐軍於江山廣豐交界處所著卽激勵將弁隨時
覘賊所向迎頭截擊蔣益澧一軍計已由粵啟行
著劉長佑傳諭該藩司督率所部星馳前赴左宗
棠軍營助剿蔣益澧一軍道出江西沈葆楨卽可

酌量截留若干爲左宗棠後路應援至江閩脣齒
相依若江省防禦謹嚴則閩疆更覺喫重慶端駐
守浦城自應將江山等處之賊痛加截勦何以接
仗失利竟至一籌莫展殊負委任著卽嚴飭在防
將領以勦爲堵會合江西防兵將竄過廣豐之賊
擊退毋得稍有疏虞前據耆齡奏交卸撫篆酌調
飛虎等勇由江赴閩此時計已在途著卽剋日前

赴建甯擇要駐紮會同江浙諸軍併力撓勦以期
節節掃蕩與左宗棠和衷商辦規復杭城